

曹州志

第七回

人物二

曹州志卷之十六

人物二

孝友

義行

隱逸

僑寓

女德

孝友

隋

翟普林曹州楚丘人事親以孝聞州郡辟命皆固辭
 不就躬耕邑養鄉人稱為楚丘先生父母疾親易
 燥濕不辭衣者七旬大業初父母俱終哀毀殆將
 滅性廬於墓側負土成墳盛冬不衣繒絮惟苦單
 縗而已家有烏犬隨之在墓普林臨哀犬亦悲號
 見者嗟異焉時有二鵲巢廬樹每入其廬馴擾不
 驚

曹州志

卷之十六

人物

宋

劉潜

見鄉賢

侯義曹州楚丘人家貧無產傭身事母時里人有葬
 其親而遽反者義母見而傷之泣謂義曰我死其
 若是乎義感激自誓而不欲言但慰其母曰勿悲
 義必不爾及母卒義力自辦葬晝則負土築墳夜
 則痛哭墓側妻子用匱不給田主曹氏資以餼糧
 踰年墳間爪異蒂同實木生連理蛇繞其側不暴
 物野鵲飛而不去嘗有盜劫其衣既知為義悉送



還之

元

張企誠

兄鄉賢

明

李誠萬乾人少失恃怙寬厚謹飭慕德尚義會從兄當遠役誠慨然曰吾兄親老豈可遠行以貽親憂卽白於有司代之行元季土寇群起人多避地遠徙誠糾集鄉兵極力保障鄉人德之已喪室黃氏或謂宜謀繼室誠曰吾幸有二子烏用繼室爲終不聽人尤義之

曹州志

卷之十六

人物

二

馬興香廬民正統間兄順爲讐家陳會謀害興手刃會以報兄讐赴京首奏事下本省法司讞訊以義原宥之

黃表都司民父苑廬墓三年成化二十三年奉旨建坊旌表

徐越永豐貢生父舟宦遊越事祖如父及祖卒號泣哀毀水漿不入口者三日父歸從父居廬祠間三年不入私室父卒哀毀如喪祖有千戶王玘德房釋罪携金三千爲贖越堅拒不受

張倫字天叙尚家諸生父輔任山西襄陵主簿卒於

官倫扶襯而歸旣葬廬墓三年成化二十二年事
聞賜冠帶建坊表其門爲孝行之門

胡君相綏感民廬父墓三年感群鶴歲集墓側嘉靖
四十一年州獎

武雄歸安民質直好義事二親能色養親歿相繼廬
墓直指雍表其門子孝感亦以孝稱

張林柳園民母故廬墓三年

李鳳梧廬墓嘉靖三十八年院獎

李世傑秉之曾孫七品散官母死廬墓三年修葺塋
域念祖秉坊祠水湮捐帑鬻田建祠廟及修冢宰

名臣二坊督學行獎

李朴號質菴寒山人以貲授河南中牟縣莆田驛丞
任三月自掛冠歸居城東別墅李氏素稱饒至朴
益潤朴與同母仲兄厚異母伯兄純東西居一日
暮盜劫伯兄窘甚朴聞卽出所積金帛往救盜見
而起敬不敢犯卽取金去伯兄得釋嘉靖己亥歲
大饑殍骸載道朴出谷三百斛賑濟存活甚衆一
切逋貸舉焚其券爲人務實行不邀聲譽惟延名
儒課諸子孫鄉黨有疾苦求無不應里人德之稱
爲李三老而不名歿之日聞者咸爲垂涕後季孫

丁第進士人以爲尚義之報云

張默州民襁褓卽失怙恃育於祖母長能自立家稍饒有族弟以貧將遠徙默曰如故土何母乃遺先人憂乎遂割田宅與之且立券以示永遠萬曆間捐貲立社學置學田實社倉粟置義塚地州府交獎

劉胤通惻民劉永壽養子母聶氏病故胤哀毀廬墓里中故無井恒汲水二里外偶天雨墓左出一井水味甘冽人以爲孝感事聞直指鍾旌其門曰勸孝弟苞卽永壽少子以義兄胤廬墓思與共事父

以年稚止之考城魏公旌其門以民女妻之郡人吳楷有一門雙孝歌

王庭張家灣集民家甚貧以傭乞養母母不食不敢先母不飽不敢食鄉黨嘉其有封人懷羨遺意

張道統字心印潘浦諸生氣度和平見人無少長皆下之父爾恭常卧病躬侍藥餌左右調護足不履私室者十餘年父每飲他所必執鞆迎迂不假僕隸嘗夜行遇盜將加撻逼視知爲統盜惶悚伏謝曰雖迫饑寒終不忍劫孝子扶之歸舍去

楚鳳苞字儀侯甘肅諸生性至孝能詩文弱冠食餼

壬午城破父主政燿以殉節將被害也號泣蔽蔭
遮群鋒不令下遂先父歿刃死郡人嘉其孝烈
馬璘字昆玉香爐諸生與異母弟璘析產已久壬午
城破軍士執刃臨璘索白鎗勢方窘迫璘至曰我
兄也家貲我主之彼何知軍士遂舍璘拷璘盡
出所有欲未厭白刃交加璘僕楊升擁護祈代不
得與璘同時死郡人義之

王嘉信集賢民五歲喪父事母以孝稱母病焚祝願
減己壽以延親年母卒廬墓三年不歸私室州府
交獎

曹州志

卷之十六 人物

五

國朝

秦文彩戶河民父耀寵從戎河南永城縣明崇禎末
兵破永城彩母蕭氏被掠時甫二歲父携歸里後
彩長常以不得悉母聲容爲恨詢知被掠情由日
夜悲泣不令父知潛出尋母沿路乞食經江南湖
廣浙江福建江西每於府州城鎮逢人泣訴誓必
見母方歸歷十三載至南昌有把總李騰雲聞訴
出蕭氏見之遂母子識認騰雲憐其孝令負母歸
家與父完聚彩感騰雲恩義貧不能償因與傭工
數載方回郡人公舉孝行郡守母給扁獎勸

劉霞大郭諸生戊子遇變父景舜爲堂兄劉士龍挾仇所殺霞於賊騎縱橫時脩歷艱險卒得仇者聲罪手刃之濟南推官李有佐濟刑書脩載其事學正成扁門曰奇孝格天郡守許申按院朱表其門曰純孝可風

王進成萬乾民居南隅以牙僧生理事母至孝家雖貧窶務竭力經營奉食以肉奉衣以帛惟得母安飽爲歡身脩歷艱苦晏如也後母壽至百歲餘孝行終身無間州守扁獎見年八十五歲

附割股

曹州志

卷之十六 人物

六

孝經云身體髮膚受之父母不敢毀傷孝之始也聖訓彰明自殘奚取哉然而匹夫匹婦一念之赤誠亦難遽泯故附之以存實錄非示勸也

馬鳳南隅民割肉事母嘉靖初直指表其閭郡人題石於墓

張守業永阜民家貧如沈父病割股以進尋愈母病亦如之崇禎間州獎

朱文秀務本民母病家貧無以奉割股食之病愈崇禎末州獎

彭貞一諸生母董病焚祝祈代復割股奉之母

順治間州獎

魁北闕思賢民父病思肉時旱禱禁屠因割左股以進父旋愈順治間州獎

義行

明

李興鄉官木之父以勤儉起家性好施與里黨有貧不能償所負者輒焚其券有喪不能舉者給以棺歛江西賈人楊彥成負錢若干以女代償興即遣歸不責其負同邑蔡姬老無所依興收養於家終其身正統初歲大饑流民數百輩適聚於曹哭聲

曹州志

卷之十六

人物

七

震野興憐之出穀賑贍時有司恐其爲患將驅之出境興曰官府懼流民爲亂而防之是也然以數十百瀕死之民而驅逐之任其流離必死無疑矣有司感其言爲之少緩遂給以楮幣使詣闕陳請俱得占籍由是存活者千餘家歲時伏臘相率來祝曹人至今稱之

劉榮許家民正統間值歲大歉出粟千五百石賑饑事聞賜敕獎諭勞以羊酒旌爲義民仍免本戶雜稅差役

劉廸感化人以壽給冠帶賜金建州西門

吳自然小留民娶馬氏生四子馬先卒時自然壯而
富人爭欲妻之自然曰馬氏歸吾家二十餘年無
失德且有子安忍背之遂終身不娶年六十三歲
卒鄉黨號曰義巷

蕭丕冒字不貳號洪澤思賢人雄豪英邁博極群書
行文古奧中天啟辛酉副榜崇禎壬午膺歲薦是
年冬郡城被兵丕冒慷慨登陴率道標材官張有
養等不避矢石極力捍禦遂死城頭道州咸表其
閭

國朝

曹州志

卷之十六 人物

八

張佩黃陵民勇敢好義順治初李賊作亂迫脅黨逆
佩不從糾合里中壯士千餘人保境待援署道蘇
知佩義勇委以保護西方佩築堡浚濠竭力抗禦
民賴安枕者數月一日群賊蜂擁夜至佩率衆拒
戰賊敗走乘勢追殺數十人急戰直前後隊不能
繼賊自暗中出鉤仆之因被害一方悼惜事聞道
州褒獎令吏目祭之

劉保通鄉民與子文星俱以義行稱於鄉里順治初
李賊倡亂其黨逼保父子從逆不屈罵賊死里人
義之

周

莊周字子休睢陽蒙人其學無所不闢然要本於老子之言梁惠王時爲漆園吏楚威王聞其賢以厚幣迎之許以爲相周笑謂楚使者曰千金重利卿相尊位也子不見郊祭之犧牛乎衣以文繡食以芻菽及入太廟欲求爲孤豚而不可得子亟去毋汙我遂終身不仕隱於曹之南華著書數萬言後人稱爲南華經大抵皆寓言無事實然善屬書離辭指事類情用剝剝儒墨洗淨自恣雖當世宿學曹州志

卷之十六

人物

九

漢

華觀

孫期

見鄉賢

宋

戚同文

見賢行

元

徐立倚之子尚恬節不求仕進劉學士賡稱其潛德弗耀子仁孫鐔皆以勛伐顯

張溥

見贊行

李芳桂號秀軒永和人少負奇氣爲府學生累試不得志遂出遊山水簾滿膺貢禮部至都見時事日非遽委檄歸闕地種花自稱六花主人年九十餘清健飄逸望之若仙里中無少長咸敬異之嘗題其室曰一世鄉人讀書覓字論千古五朝逸士種竹栽花閱百春蓋自叙實錄也

國朝

郭民望字得已號振畿屏國長子潛心家學爲文黜浮崇理舉明經未仕性孝友甘淡薄履跡罕至公曹州志

卷之十六

人物

十

庭其襟懷冲漠見者鄙恹俱消平居靜坐一室必正衣冠無疾言遽色與物少忤晚精岐黃以寓濟世之志焉

段然超字修齡潘滿人負氣節善屬文舉明經以親老不赴受檄歸戊子寇亂鎮撫使者出尙威嚴時超受署視學委曲保全士類爲多父卒營葬畢葺廬守墓終身不入城市自稱東臯老農人罕有見其面者

僑寓

周

范蠡字少伯南陽宛陽人事越王勾踐深謀二
年竟滅吳報會稽之耻勾踐以霸而蠡稱上將軍
又國蠡以大名之下難以久居且勾踐爲人可與
同患難不可以處安樂爲書辭勾踐乘舟浮海以
行終不反於是勾踐表會稽山爲范蠡食邑蠡浮
海至齊變姓名爲鴟夷子皮耕於海畔苦身戮力
父子治產居無幾何致產數千萬齊人聞其賢以
爲相蠡喟然嘆曰居家則致千金居官則致卿相
此布衣之極也久受尊名不祥乃歸相印盡散其
財於知友鄉黨而懷其重寶間行去至於陶以爲
廢居候時轉物逐什一之利居無何又致貲累巨
萬再分於貧交昆弟天下稱陶朱公卒老於陶

北魏

溫子昇字鵬舉太原人晉大將軍嶠之後也世居江

左祖恭之避難歸魏家濟陰之寃旬子昇爲學精
勤博覽百家文章清婉熙平初東平王匡博選詞
人以充御史同時射策者八百餘人子昇與盧仲
宣孫舉爲高第預選者争相引決匡使子昇當之
子昇受命而出正光末爲東北道行臺郎中軍國

曹州志

卷之十六 人物

十一

皆出其手才名轉盛濟陰王暉業嘗云江左
人宋有顏延之謝靈運梁有沈約任昉今有子昇
足以陵顏轢謝含任昉沈楊遵彥作文德論以爲
古今詞人皆負才遺行惟子昇彬彬有德素焉陽
夏太守傅標出使吐谷渾見其國王牀頭有書數
卷則子昇文也

五代

燕峻益都人慷慨任俠時楊光遠反峻率其屬西迎
符彥卿遂家於曹子肅孫度皆爲宋名臣

宋

曹州志

卷之十六 人物

十二

錢揆字舜臣洛陽人吳越武肅王五世孫幼不與群
兒弄好讀書質性仁厚喜怒不形於色善與人久
要待貧士盡禮不治產業樂施予兄弟十人皆通
籍於朝一弟以疾廢惟樂依諸君揆周旋撫視終
身未嘗少失其意爲養二孤女皆先已女以嫁歷
知楚丘縣通判磁并曹三州再知德州爲政務豈
弟尤慎於用刑多所原恕繕修德州城隍功成而
民不勞河北轉運使獻磁州銀冶民以爲病揆力
執不可請自按其事回以報罷磁民德之揆恬於
仕進爲南京國子監時未衰老竟乞身歸卜居

金優將十餘年年七十六終於家累官至中大夫
上柱國典興郡開國侯食邑一千一百戶子十人
多顯仕道惲左侍禁禹卿通直郎道恢道愷是卿
宋卿未及仕皆先終卒唐卿山南東道節度推官
博州錄事參軍漢卿明州司戶參軍魏卿大名府
魏縣尉君卿元城縣尉孫十九人皆舉進士

陳師道字履常又字無已彭城人善爲文曾輩見而
竒之初遊京師傳堯俞欲識其面以問秦觀觀曰
是非持刺字何侯公卿之門者不可致也元祐初
蘇軾傳堯俞孫覺薦其文行起爲徐州教授又用

梁燾薦爲太學博士言者謂師道嘗越境出南京
見蘇軾論罷之久乃召爲秘書正字章惇在樞府
將薦之師道答書謝拒終不往師道素惡趙挺之
值冬至郊祀寒衣未脩其婦以如故就假挺之家
師道却去不服遂感寒致疾死人高其節當紹聖
中以婦翁郭槩知曹州因寓曹數年與教官晁無
斁多以詩相唱和

顏岐字彛仲嘗從呂榮公學呂居仁爲濟陰主簿時
彛仲寓居曹嘗贈居仁詩云念昔從學日同升夫
子堂居仁罷官歸作詩留別彛仲云昔口同升六

子堂如今俱是髮滄浪蓋用贈語也

金

宋珍東平壽張人有心力以戰功署爲管軍提控不樂仕進遂徙家定陶居城北之戚垌村牧畜種樹行年八十有七康強無疾忽一日乘涼坐庭樹下曰人生得此足矣言訖而逝人以爲若羽化云生四子謙誠諒謹俱有幹才而謙官靜海縣令

元

徐倚本魏平陽侯晃之裔自貞祐間避地於曹之濟陰商村遂家焉子立孫仁皆別有傳

曹州志

卷之十六 人物

十四

田鑄鍾陵人寓居景山有學行多所撰述

明

勒士敏陝西狄道人宣德間由監生任曹邑主簿慈惠臨民邑人懷之遂占籍子璽舉進士

張贊太興人正統間由監生任曹邑主簿寬仁愛民佐范令希正初立曹州遂占籍

成鑄字文明山西太谷人天順初以材胥任灤河稅課大使居官約已奉公綽有清操致仕後遂家於曹積德累仁喜施樂善貧乏賴以全活者甚衆迨鼓傳子姓蕃衍人文蔚起與科貢登甲第踐歷通

顯累世不絕而柱史

節給諫明樞迄以剛直

力著聲嘉靖天啟間一時名臣云

孔聞舉字知行曲阜聖裔其先有名錫爲御史者徙家於曹六傳至聞舉萬曆間歲貢授廬州訓導陞平原教諭捐祿米濟貧士代白富生寃而卻其金因病辭任鄉人稱爲厚德長者

孔貞敬字敬止號雲臺聞舉從子嗜學能文有聲黽序間衍聖公舉知本縣未就崇禎中薦明經爲人端方有守壬午城破儒服端坐以待或勸之逃謂曰余豈徑竇倖生者哉被執奮激不少屈遂遇害

曹州志

卷之十六 人物

十五

繼室尚氏自縊以殉郡人稱義烈云

孔貞珩字楚白聞舉仲子領崇禎癸酉鄉薦博學能文未第而殂人多惜之

國朝

胡從政奉天府人明崇禎初由選貢任陝西通渭知縣致官歸以長子拱極司訓曹州遂家於曹向極順治初由恩貢授河南汝州知州康熙

陞江南常州府知府

女德